

雪夜漁舟

晚風歇謾自掉扁舟順流觀雪山聳瑤峰林森玉樹高下盡無
分別性情澄徹更沒箇故人堪說恍然身世如居天上水晶宮
闕萬塵聲影絕透虛空無外水天相接浩氣冲盈真功深厚
永夜不愁寒冽愧恰鄙劣只解赴炎趨熱停橈失笑知心都付
野梅江月

鶴鳴奉旨

玉土平平正海息波瀾嶽歛雲烟三景虛明八表澄清一月普
照諸天有流霞洞煥映黍珠徐下空玄絕形言見千真拱極萬
炁朝元當時鶴鳴夜半感真符寶篆特地親傳碧湛龍文紅凝
龜篆絳衣無鬣踟躕計功成果就垂真教廓景飛仙已千年巨
燈燈續焰光明無邊

用于真人更漏子韻

是和非雙打過免共相魔生火談有相損頑空齊居看望中聖
賢風行處在巧智爭如休賣詩與酒且乘閑隨緣發笑顏

元宵慶壽

天開景運記建武中興炎劉重盛明良際會八表風雨調順甚
一時嶽降生申正千載河清誕聖祥雲擁流霞映飛仙拱魁星
炯佳應是師真毓瑞人天交慶 衛薇香漏元宵景耀天目神
光如鏡現龍章鳳質降伏羣魔歸正稟玄元立教開先悟至道

道藏輯要

虛靖真君語錄

三

又翼集七

三十一